

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XIV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

tantum lenia quæsiuissè, quibus pax amicitiaque inter partes disceptantes sanciri ac coalescere possit.

Quod reliquum est, sicut speramus, vos candidè hoc nostrum factum esse interpretaturos, nosque habituros pro vestris in Christo fratribus, quales nos in confessione veræ fidei hastenus vobis ac toti Ecclesiæ libenter quidem exhibere volumus, ita rogamus patrem Domini nostri Jesu Christi, ut nos una vobiscum seruire in ea confessione ac studio conservandæ veræ doctrinæ velit aduersus nascentes subinde corruptelas, aliasque artes & machinationes Sathanæ, quibus Christi Ecclesiam polluere conatur. Arque expectamus amicam responsionem jam à vobis pro vestra pietate: pro qua si vestram etiam sententiam nobis ostenderitis ex verbo DEI, de reliquis nostris certaminibus adiaphoricis, item necessitatis operum ad salutem, quid in eis probandum aut improbandum, & porro faciendum esse iudicetis, erit id nobis gratissimum, nec unquam sane commitemus, quin cuius recta monenti ex verbo DEI summo studio in tantis rebus, pertinentibus ad communem nostram religionem, libenter simus obsecuturi. Bene in Christo valete. Datæ Magdeburgi in vigiliâ Pentecostes Anno 1553.

Vestri antiquissimi in Domino fratres

Nicolaus Gallus.

Matthias Flacius. Illyricus.

XIV.

S. D. Reverende vir & Carissime Frater.

TAm multa vidimus tristia exempla hoc septennio, pulsos & captos Principes, expilatas civitates, deleta igni oppida, interfectos principes, nec tamen siccantur animi ad faciendam pacem. Ut post Epaminondæ mortem ait Xenophon, in Græcia fuisse *in ætate regi magis* majorem: Ita post nostri Ducis interitum, nova bella in his regionibus metuimus. Henricus Brunsvicensis occupat Erici oppida. Interea Marchio Albertus rursus colligit exercitum & minatur atrociam. Nunc Lipsiæ conventus est, ubi Regis Danici & multorum Principum legati de pace agunt. Oro autem Filium DEI Dominum nostrum Jesum Christum, ut poenas leniat, quas cum aliis multis sceleribus omnes attraxerunt, tum verò hostes Evangelii, odio veritatis, alii verò libertatis abusu & multiplici petulantia. Si progressus

gressus fuerit in has regiones Albertus, rursus exulabimus, nisi belli sævitia opprimamur. Quod pie filias Francisci Dyrandri nutrirî & educari curatis, Deo gratum officium est, & tibi gratiam habeo, quod id mihi significasti, ubique eas commendo. Si mihi erit exulandum, accedam ad vos, ut de multis rebus colloquamur. Stancarus furere non desinit. Perivit à me Elector Marchio, ut de quibusdam controversiis à Stancaro motis, responderem. Inter cætera contendit, Christum esse mediatorem tantum secundum humanam naturam. Responsonis meæ exemplum vobis mittam. Nunc mitto has pagellas, quas addidi huic Epistolæ.

Debet hospiti suo Magistro Sebastiano Matthæo Wittembergensi, Johannes Weidner quadraginta Joachimicos & grossos duodecim. Valde te oro, ut Patri hortator sis, ut eam pecuniam numerari nostro collegæ curet. Bene & feliciter vale. Die Augusti 26. Anno 1553.

Salutem vobis omnibus opto.

Philippus.

XV.

S D. Clarissime Domine Doctor, Patrone colende. Spero te dudum accepisse literas, quibus respondi epistolæ tuæ, quâ de functione docendi elementa veræ de Deo doctrinæ in vestra schola mecum contulisti. Tibi pro paterna & perpetua erga me benevolentia tuâ gratiam habeo, ac ubicunque locorum sumus, judicabo nos in una schola Ecclesiæ Dei vivere, quæ in his regionibus Dei beneficio tranquilla est & floret sub Principe Pio liberali & verè nutritio Ecclesiæ & scholarum. Aliquod vulnus acceperunt hæ Ecclesiæ Saxonicae ex obitu præstantissimi viri D. Johannis Oëpini, Superintendentis Hamburg. Eum paucis diebus secutus est D. Erasmus Alberus, qui in oppido hujus ditionis Newbrandeburg paucas septimanas præfuit. D. Morlinus nunc Brunswicensem Ecclesiam gubernat. In hac Academia doctrinæ Theologicæ studia gubernant D. Johannes Draconites & Doctor Johannes Aurifaber; Ego Evangelium Matthæi & Carechesin propono, in textuali enarratione Bibliorum usque ad II. caput Levitici perveni, ac spero DEUM mihi vitam tandiu propagaturum esse, donec omnes libros Propheticos & Apostolicos ordine explicuero. Ante paucos dies mihi desponsata est virgo Margarita, filia Laurentii Smeds, præcipui senatoris in hac urbe. Sacrum nuptiale celebrabimus, DEO volente, postridie Martini. Te oro, ut conjugium nostrum piis præcibus DEO commendes, quas cum non dubirem efficaces esse, amplissimi